

ISLAMSKA ZAJEDNICA U BOSNI I HERCEGOVINI
UNIVERZITET U SARAJEVU
FAKULTET ISLAMSKIH NAUKA U SARAJEVU

Na osnovu članova 74. i 78. Zakona o visokom obrazovanju, prečišćeni tekst („Službene novine Kantona Sarajevo“, br.: 42/13 i 13/15), člana 116. Statuta Univerziteta, članova od 23. do 30. Pravila studiranja za treći ciklus studija na Univerzitetu u Sarajevu, saglasnosti Rijaseta Islamske zajednice u Bosni i Hercegovini br.: 05-08-2-5206-4/15 od 4. 1. 2016. godine i Senata Univerziteta u Sarajevu na nastavni plan i program trećeg ciklusa studija Fakulteta islamskih nauka br.: 01-7902/15 od 23. 12. 2015. godine, Odluke Vijeća Fakulteta br.: 03-03-10-1320/15 od 9. 12. 2015. godine i saglasnosti Rijaseta Islamske zajednice u Bosni i Hercegovini br.: 05-08-2-5207-3/15 od 4. 1. 2016. godine i Senata Univerziteta u Sarajevu br.: 01-7905/15 od 23. 12. 2015. godine za raspisivanje konkursa za upis studenata na treći ciklus studija (doktorski studij) u studijskoj 2015/2016. godini, Fakultet islamskih nauka u Sarajevu objavljuje

K O N K U R S

za upis studenata NA TREĆI CIKLUS STUDIJA (DOKTORSKI STUDIJ)
na Fakultetu islamskih nauka u Sarajevu u studijskoj 2015/2016. godini.

I

Konkurs se raspisuje za upis studenata na treći ciklus studija (doktorski studij) iz islamskih nauka.

Studij se organizira kao redovni studij u trajanju od tri godine i vrednuje se sa 180 (ECTS) bodova, a njegovim završetkom stječe se akademska titula i naučno zvanje doktora islamskih nauka.

Na doktorski studij mogu se upisati kandidati koji imaju:

- završen magistarski studij teologije ili islamskih nauka,
- završen magistarski studij islamske vjeronauke i religijskoga odgoja uz uvjet polaganja razlike ispita iz drugog ciklusa studija teologije (master),
- završen magistarski studij iz humanističkih nauka uz uvjet polaganja strogog diferencijalnoga ispita iz teološkog studijskoga programa,
- prosjek ocjena iz preddiplomskog studija 8 i iz magistarskih studija 8.

Kandidatima koji su magistrirali prema starome, predbolonjskom konceptu (mr. sc.) priznaje se jedna godina studija (60 ECTS), a njihov status odnosno prava i obaveze u nastavku studija utvrđuje Vijeće Fakulteta posebnim aktom. Preostalih 120 ECTS bodova, da bi u formalnom smislu završili doktorske studije, studenti trebaju prikupiti u skladu sa Pravilima studiranja za treći ciklus studija na Univerzitetu u Sarajevu.

II

Kandidati koji su strani državljani prijavljuju se na Konkurs pod jednakim uvjetima kao i državljani Bosne i Hercegovine, uz prethodno akademsko priznavanje diplome ranije završenog ciklusa/stepena obrazovanja.

Optimalni broj kandidata/studenata koji se upisuje je 20 na redovnom i 20 na vanrednom studiju.

Nastava na III (trećem) ciklusu studija će se organizirati ukoliko je upisano najmanje pet kandidata.

Visina školarine iznosi 4.680,00 KM (slovima: četirihiljadeišestoosamdesetkonvertibilnihmaraka) po studijskoj godini.

Uz prijavu na Konkurs, kandidati su obavezni dostaviti:

- zahtjev za upis,
- biografiju,
- diplomu o završenom prethodnom obrazovanju,
- uvjerenje o položenim ispitima ili dodatak diplomi,
- dokaz o poznavanju najmanje dva strana jezika (pored arapskog jezika studenti trebaju poznavati još jedan svjetski jezik),
- izvod iz matične knjige rođenih i uvjerenje o državljanstvu, odnosno prva stranica pasoša za kandidate koji nisu državljani Bosne i Hercegovine.

Svi traženi dokumenti predaju se u originalu ili ovjerenoj fotokopiji. Konkursni materijali se ne vraćaju.

Obrazac prijave može se preuzeti na web stranici Fakulteta (www.fin.unsa.ba).

Žiroračun: Rijaset Islamske zajednice u BiH, Fakultet islamskih nauka u Sarajevu, kod Vakufske banke d.d. Sarajevo, br.: 160 200 55 000 15065.

Prijave sa potrebnom dokumentacijom sa naznakom za „Konkurs za upis na III (treći) ciklus studija (doktorski studij) na Fakultetu islamskih nauka u Sarajevu“ dostavljaju se lično na protokol Fakulteta (svakim radnim danom 10:00–15:00 sati) ili preporučenom poštom na adresu:

Islamska zajednica u Bosni i Hercegovini
Univerzitet u Sarajevu
Fakultet islamskih nauka u Sarajevu
Čemerlina 54
71000 Sarajevo

Nepotpune i neblagovremene prijave neće se uzimati u razmatranje.

III

Konkurs za upis na III (treći) ciklus studija (doktorski studij) ostaje otvoren petnaest dana od dana objavljivanja (prvi upisni rok).

Fakultet islamskih nauka u Sarajevu će, u slučaju da je u prvom upisnom roku broj kvalificiranih kandidata za upis manji od predviđenog broja slobodnih mjesta za upis, organizirati prijem prijave i izbor kandidata u drugom odnosno trećem upisnom roku.

IV

Sa svim prijavljenim kandidatima obaviti će se intervju.

Kandidati koji ispunjavaju uvjete upisa bit će izabrani u prijemnom postupku na osnovu sljedećih kriterija:

- uspjeh u toku studija,
- dosadašnji rezultati i motivacija za naučnoistraživački rad.

Upis primljenih kandidata izvršit će se najkasnije sedam dana prije početka nastave.

Nastava na III (trećem) ciklusu studija (doktorski studij) na Fakultetu islamskih nauka u Sarajevu će početi u ljetnom semestru u studijskoj 2015/2016. godini.

Sve dodatne informacije zainteresirani kandidati mogu dobiti u Studentskoj službi Fakulteta i na broj telefona +38733/251-043, 251-049.

Datum objave: 13. 1. 2016. godine